

Söngdagskrá Ísaksskóla 2024-2025

22.- 25. apríl

Er sólin skín á skjá

Vertu til

Anímónusöngur
Heyr himna smiður
Sá ég spóa

28. apríl- 2. Maí

Hvað með það?

Vorið góða grænt og hlýtt

Er sólin skín á skjá
Vertu til
Anímónusöngur

5. – 9. Maí

Dýrka mest

Maístjarnan

Er sólin skín á skjá
Vertu til
Hvað með það?
Vorið góða grænt og hlýtt

Anímónusöngur

Lag: Sebastian
Ljóð: Böðvar Guðmundsson

Ljósan daginn anímónur anga.
Fuglar syngja, flæðir geislaglit um vanga.
Þegar rökkvar, rökkuvættir ganga
Rassálfar og næturskrímsl' í trjánnum hanga.

*Ó anímónur,
Blómin hreinu hyljið gengin spor.
Ó anímónur,
Hvítu vinir það er komið vor.*

Allan daginn allt á þönum þýtur.
Allir keppast upp á sínar eigin spýtur.
Þegar rökkvar stjarnan ljósa lítur
lítinn dverg með skelfdum rauðum augum
gýtur.

*Ó anímónur,
Dreifð á mig ykkar hvíta lín.
Ó anímónur,
Undir stjörnuskini blómin mín.*

*Ó anímónur,
Blómin hreinu hyljið gengin spor.
Ó anímónur,
Hvítu vinir það er komið vor.*

Heyr, himna smiður

Lag: Þorkell Sigurbjörnsson
Ljóð: Kolbeinn Tumason

Heyr, himna smiður,
hvers skáldið biður,
komi mjúk til mín
miskunnin þín.
Því heit eg á þig,
þú hefur skaptan mig,
ég er þrællinn þinn,
þú ert Drottinn minn.

Sá ég spóa (keðjusöngur)

Lag: Höfundur ókunnur
Þjóðvísa

Sá ég spóa suður í flóa.
Syngur lóa úti í móa.
Bí, bí, bí, bí.
Vorið er komið víst á ný.

Er sólin skín á skjá

Lag: Boris Fomin
Ljóð: Emilía Baldursdóttir

Hvað er fegra' en vorið eftir vetur?
Veistu nokkuð hlýrra' en sumaryl?
Hátt í lofti heyrir spóatetur
hlakka yfir því að vera til.

*Er sólin skín á skjá,
skemmtilegt finnst mér þá.
Skelfing er gaman er vorið nálgast fer.
Mér finnst ég morgunhress,
að mestu laus við stress,
mikið er gott að heyra líkt frá þér.*

Lækurinn sem laumaðist í mónum,
lætur nú sem vitið hafi misst.
Grasið fer að grænka undan snjónum.
Gettu hvern mig dreymdi' að hafa kysst?

Er sólin skín á skjá...

La la la la la la...

Vertu til er vorið kallar á þig

Lag: Matvei Isaakovich Blanter

Ljóð: Tryggvi Þorsteinsson

Vertu til er vorið kallar á þig,
vertu til að leggja hönd á plóg.
Komdu út því að sólskinið vill sjá þig
sveifla haka', og rækta nýjan skóg.

Hvað með það?

Lag og ljóð: Daði Freyr Pétursson

Það er skrítið að segja,
því ég var að sjá þig í fyrsta sinn.
En samt einhvern veginn veit ég,
að þetta eru örlögin.

Er þú heilsar mér,
ég bara stari dreyminn.
Ekki horfa á mig,
ég verð allt of feiminn.

*Ég held ég hafi aldrei fundið
þessa tilfinningu fyrr en núna.
Ég veit þú varst að hitta mig og
ég var líka að hitta þig og hvað með það?*

Ég segi hæ og tíminn stendur í stað,
er búinn að gleyma hvernig samræður virka.
Þú segir hæ aftur og ég ætla að opna
munninn,
en þú stoppar mig um leið og segir:

Ég veit alveg hvað þú ert að ganga í gegnum,
því ég finn það líka.
Það er ekkert gaman hér hvort sem er.
Eigum við að kíkja heim?

Ég held ég hafi aldrei fundið.....

Vorið góða, grænt og hlýtt

Lag: F. Mendelssohn

Ljóð: H. Heine / Jónas Hallgrímsson

Vorið góða, grænt og hlýtt,
græðir fjör um dalinn,
allt er nú sem orðið nýtt,
ærnar, kýr og smalinn.

Kveður í runni, kvakar í mó
kvikur þrastasöngur;
Eins mig fýsir alltaf þó:
aftur að fara' í göngur.

Dýrka mest

Lag og ljóð: Jón Jónsson

Góðan daginn, ert'ekki að djóka
þarna er gamla góða gula upp'að spóka sig
Allt í góðu lagi, já allt í blóma
Þó að sólin hverfi fæ ég samt að horfa á þig

Þú ert óaðfinnanleg
og ég finn að mér
bara líður alltaf vel
þegar ég er með þér

Ég dýrka þegar sólin fer að skína
Ég dýrka þegar blómin springa út
Ég dýrka þegar úti fer að hlýna
En staðreyndin er sú, jú
Það sem ég dýrka mest ert þú

Ég dýrka þig í sólstöfum
og ég dái þig í viðvörun
Ég dýrka þig í smá skömmtum
og ég þrái þig í bílförum

Þú ert óaðfinnanleg.....

Ég dýrka þegar....

Maístjarnan

Lag: Jón Ásgeirsson

Ljóð: Halldór K. Laxness

Ó hve létt er þitt skóhljóð
ó hve lengi ég beið þín,
það er vorhret á glugga,
napur vindur sem hvín,
en ég veit eina stjörnu,
eina stjörnu sem skín,
og nú loks ertu komin,
þú ert komin til mín.

Það eru erfiðir tímar,
það er atvinnuþref,
ég hef ekkert að bjóða,
ekki ögn sem ég gef,
nema von mína og líf mitt
hvort ég vaki eða sef,
þetta eitt sem þú gafst mér
það er alt sem ég hef.

En í kvöld lýkur vetri
sérhvers vinnandi manns,
og á morgun skín maísól,
það er maísólin hans,
það er maísólin okkar,
okkar einingarbands,
fyrir þér ber ég fána
þessa framtíðarlands.